


**La "capitâl" taliane de Prime Vuere Mondîal e torne a scuvierzi lis sôs lidrîs
di racuardi internazionâl su la crosere dai popui de Europe
pal troi de liende de Mari Aquilee**



HUNNIUM - UTINUM - UDINE - VIDEM - WEIDEN

UDIN

Sabide ai 13 di Setembar 2014

Place Sant Jacum - Colone di Marcjât Gnûf

Aes 6 di sere

791n COMPLEAN DE CITÂT

localitât di fonde preistoriche cun liendis di çocje venetiche, sitiche, iliriche, celtiche, cimbre, latine, une, langobarde e austriache, promovude borc comerciâl citadin juste ai 13 di Setembar 1223 dal patriarcje aquileiês di riunde bavarese Bertolt di Andechs che le à vude instradade di capitâl gnove dal so principât plurinazionâl alpin-adriatic...

**Fiestis di iniziative dal bas tal inovâl di fondazion citadine de capitâl dal Friûl,
stiele de antiche e cosmopolitiche citât-mari internazionâl mittel-europeane di Aquilee,
un secul daspò de Grande Vuere continentâl e globâl tra fradis 1914-1918**

Une ocasion inviulade dal Moviment civic culturâl alpin-adriatic dal Fogolâr Civic e dal Circul universitari furlan de Academie dal Friûl cui coordinaments sociâi des cinc circoscrizions storichis citadins dai "cuintîrs" di Marcjât Vieri, Marcjât Gnûf, Aquilee, Glemone e Graçan, il favôr dal Sindic e de Sorestanzie comunâl, la adesion dal Club UNESCO di Udin, de Pro Loco di citât dal Borc dal Soreli di Udin Disore, de Confraternite urbane dal Crist, dal Coordinament citadin dal Borc de Stazion di Udin e de federazion provinciâl udinese dal Istitût nazionâl talian dal Galon Turchin jenfri decorâts al valôr militâr, in tradizionâl colaborazion cu la Retorie de glesie di Sant Jacum di Marcjât Gnûf e cul Comant provinciâl di Udin dal Cuarp nazionâl dai Pompîrs.

PROGRAM

Partint di une "capitâl" nazionâl dal conflit che cent agns indaûr al à vût juste parât a flics il Continent Vieri, citât za timp cjase di chel patriarcjât di Aquilee che par passe mil agns al à vût savût meti dongje di fradis i popui de Europe di Mieç...

DEDICHE POPOLÂR UDINESE AL PRESIDENT DE REPUBLICHE TALIANE PAI CENT AGNS DE PRIME VUERE MONDIÂL

Profierte midiant Prefeture di suaze artistiche, opare de preseade ricamadore furlane Antonietta Monzo Menossi, cun rafigurât il Grop di Salomon, antîc simbul spirituâl di union e concuardie gjavât dai mosaics de Basiliche aquileiese, avòt di unitât civiche internazionâl fate di judizi e di vicendevol supuart tal just e mai plui intacade di signestrîs manîs di nazion sticevueris...

- SALÛT DI SORESTANTS E RAPRESENTANCIS -

Daûr segnalazions tiradis sù in mieç dai citadins dal puest impegnâts tal civic:

RICOGNOSIMENTS PAI BENEMERITS DI UDIN VIGNADIÇS "FORESCI"

vâl a dî atestâts di fradaie citadine par stimade int vignude di fûr Udin, cun chê di svantâ la tradizion de origjin di dutis lis bandis de capitâl furlane,

struc di une region crosere di popui cun lidrîs dentri te liende storiche de citadone aquileiese antiche, di proferîju chest an

a bons. FRANCESCO FREZZA di Nimis,

mai dismenteât pastôr jenfri i cuei orientâi dal Friûl, di passe dîs agns retôr preseât de capele "forense" udinese di Sant Jacum...

e a lis sioris CLAUDIA ALBINI di Prât di Cjargne e LUISA MUNINI di Cjaurià,

gjerentis storichis de citât viere, vestâls costumadîs dal stâ in societât metudis di vuardie di "fogolârs" publics enogastronomics de vite citadine...

Su consei di popul:

MEMORIE DI UN CONCITADIN

mertevul di plui rimembrance sociâl e istituzionâl,

midiant consegne al Sorestant comunâl di un garoful simbolic comemoratif, chest an in ricuart di puar

gjeom. GINO DI CAPORACCO (Udin 1932-2001)

brilant e mastin inteletuâl e politic furlan, campion preparât e mai clop de autonomie e de culture dal so popul che al à vût stât di chel combatif rapresentant dentri tes Sorestanziis di Comun e Regjon...

BENEDIZION E PRESINT DI POPUL PE COLONE DI MARCJÂT GNÛF

simbul in struc dai principis di culture civiche di Udin, liende di ricet e bastion di gjernaziis, cun rituâl storic propiziatori e deposizion di cinc garofui in memorie dai cuintîrs citadins li che si divideve la int dal Comun primarûl, colaborants di tradizion la Retorie de Glesie di Sant Jacum in Marcjât Gnûf e il Cuarp dai Pompîrs vâl a dî la difese civil plui antiche testemoneade a Aquilee za dal timp dai Romans...

Sieradure cun corâl improvisade dal cjant popolâr citadin

"OH CE BIEL CÏSCJEL A UDIN"